

OYSTER PERPETUAL  
YACHT-MASTER II



ROLEX



MICHELSEN  
ÚRSMÍÐIR

Laugavegur 15 - 101 Reykjavík  
511 1900 - www.michelsen.is

# MARKAÐURINN

Miðvikudagur 25. júní 2014 | 38. tölublað | 10. árgangur

Sími: 512 5000 | [visir](http://www.visir.is) www.visir.is

TAKTU GRÆNU  
SKREFIN  
MEÐ OKKUR!



Guðjón Ó  
VISTVÆNA PRENTSMÍÐJAN



## AUKIN FLUGUMFERÐ Á RÆTUR Í ASÍU

- Airbus spáir tvöföldun í flugumferð á næstu fimmtán árum.
- Aukningin drifin áfram af hagvexti á nýmarkaðssvæðum.
- Um 300 milljarðar króna fara í rannsóknir og þróun hjá Airbus.

SÍÐA 4

## Launavísitala í maí hækkar

Launavísitala í maí 2014 er 480,4 stig og hækkaði um 0,4 prósent frá fyrri mánuði. Síðastliðna tólf mánuði hefur launavísitalan hækkað um 5,2 prósent. Hagstofan greinir frá þessu.

Vísitala kaupmáttar launa í maí 2014 er 117,0 stig og hækkaði um 0,3 prósent frá fyrri mánuði. Síðustu tólf mánuði hefur vísitala kaupmáttar launa hækkað um 2,7 prósent.

Í launavísitölu maímánaðar gæti áhrifa kjarasamninga fjármálaráðherra fyrir hönd ríkissjóðs og Sambands íslenskra sveitarfélaga við nokkur stéttarfélög opinberra starfsmanna sem undirritaðir voru í mars og apríl 2014.

-rkr

## Semja um smíði ísfisktogara

Stjórn HB Granda hf. hefur ákveðið að ganga til samninga við tyrknesku skipasmíðastöðina Celiktr-ans Deniz Insaat Ltd. um smíði á þrem ísfisktogurum á grundvelli tilboðs frá skipasmíðastöðinni.

Heildarsamningsupphæðin mun liggja nærri 6,8 milljörðum króna eða rúmum 44 milljónum evra. Samkvæmt tilkynningu frá félaginu er áætlað að gangi samningar eftir muni fyrri tvö skipin verða afhent á árinu 2016 en það þriðja árið 2017.

Fyrir er tyrkneska skipasmíðastöðin með tvö upp-sjávarskip í smíðum fyrir HB Granda.

-fbj

## „Ef Íslendingar geta það“

Snjalltækjaleikjaframleiðandinn Plain Vanilla var til umræðu hjá dálkahöfundum á viðskiptasíðu BBC, Rory Cellan-Jones, í síðustu viku. Cellan-Jones velti þar fyrir sér hvernig blöndum Íslendingi tókst að búa til leik sem sló í gegn á heimsvísu, sér í lagi þar sem erfiðlega gengur hjá mörgum breskum sprotafyrirtækjum að verða sér úti um fjármagn frá fjárfestum.

Cellan-Jones hittir Þorstein Baldur Friðriksson, stofnanda Plain Vanilla, í síðustu viku. Cellan-Jones veltir því upp í greininni hvað Bretar geti lært af Plain Vanilla því að meira að segja í Bretlandi eigi tæknifyrirtæki erfitt uppdráttar. Ljóst sé að Kalifornía sé enn fyrirheitna landið fyrir unga frumkvöðla.



-fbj

# Hleypur þú 6 maraþon á ári?

...nei líklegast ekki - en þú gætir brennt jafnmörgum hitaeiningum með því að nýta þér **hæðarstillanlegu skrifborðin frá InnX innréttingum.\***



\*Rannsóknir hafa sýnt að með því að standa í um 15 mínútur per klst. yfir vinnudaginn þá brennir meðalmanneskja um 20.160 hitaeiningum á ári! Nú bjóða InnX innréttingar athyglisverða nýjung sem kallast „LINAK heilsurofinn“. Þessi einfaldi fylgihlutur skráir

hversu margar mínútur skrifborðið er í hárrí stöðu og umreiknar það síðan yfir í hitaeiningabrennslu. Þá er líka hægt að stilla rofann til að minna mann á hvenær tímabært er að hækka eða lækka skrifborðið og skipta um vinnustellingu.

## Hæðarstillanlegt skrifborð

Verð frá kr. 124.302

## Möppuskápur

Verð frá kr. 120.533

Hugsaðu um heilsuna - það borgar sig

**INN**  
X  
Innréttingar

Fosshálsi 1 • 110 Reykjavík • Sími 577 1170  
Fax 577 1172 • [www.innx.is](http://www.innx.is) • [innx@innx.is](mailto:innx@innx.is)



## Gengi féлага í Kauphöll Íslands

**6** **Á UPPLAUB**  
Félög sem hækkuðu í verði

**7** **Á NIÐURLEIÐ**  
Félög sem lækkuðu í verði

**3** **STÓÐU Í STAÐ**  
Félög sem stóðu í stað

**MESTA HÆKKUN**

**ÖSSUR**  
**23,1%** frá áramótum

**EIMSKIP**  
**0,8%** í síðustu viku

**MESTA LÆKKUN**

**TM**  
**-21,7%** frá áramótum

**REGINN**  
**-4,3%** í síðustu viku

Félag	Gengi í gær	Frá áramótum	Vikubreyting
Atlantic Airways (DKK)	144,00	-5,9%	0,0%
Bank Nordic (DKK)	118,00	-9,2%	0,0%
Eimskipafélag Íslands	230,00	-12,2%	0,8%
Fjarskipti (Vodafone)	30,65	12,5%	-0,3%
Hagar	40,60	16,1%	0,3%
Icelandair Group	17,10	-6,0%	-1,7%
Marel	105,00	-21,1%	-2,8%
N1	16,45	-13,0%	-0,9%
Nýherji	4,20	15,1%	0,0%
Reginn	15,70	1,0%	-4,3%
Tryggingamiðstöðin*	25,10	-21,7%	-3,0%
Vátryggingafélag Íslands**	8,65	-19,8%	-1,9%
Össur	282,00	23,1%	0,7%
HB Grandi	28,05	1,3%	0,2%
Sjóvá	12,43	-8,0%	0,6%
<b>Úrvalsvisitalan OMX16</b>	<b>1259,60</b>	<b>7,7%</b>	<b>9,2%</b>

**First North Iceland**

Félag	Gengi í gær	Frá áramótum	Vikubreyting
Century Aluminum	1150,00	0,0%	0,0%
Hampiðjan	12,15	29,3%	0,0%
Sláturfélag Suðurlands	1,22	13,0%	0,0%

\*fyrsta verð 08. maí 2013 \*\*fyrsta verð 24. apríl 2013

## Dagatal viðskiptalífsins

Haraldur Guðmundsson | haraldur@frettabladid.is

- Miðvikudagur 25. júní**  
→ Þjóðskrá - Fjöldi útgefna vegabréfa  
→ Nýherji - Uppgjör 2. ársfjórðungs
- Fimmtudagur 26. júní**  
→ Þjóðskrá - Viðskipti með atvinnuhúsnæði í maí  
→ Hagstofan - Nýskráningar og gjaldprot í maí
- Föstudagur 27. júní**  
→ Hagstofan - Vísitala neysluverðs í júní 2014
- Mánudagur 30. júní**  
→ Hagstofan - Fjármál ríkissjóðs á greiðslugrunni  
→ Hagstofan - Vöruskipti við útlönd
- Miðvikudagur 2. júlí**  
→ Þjóðskrá - Fasteignamarkaðurinn í mánuðinum eftir landshlutum

Allar markaðsupplýsingar eru aðgengilegar á vísir

# Gefa út leiðarvísi ferðaþjónustu

Lögmannsstofan Lex hefur gefið út 70 blaðsíða leiðarvísi fyrir ferðaþjónustufyrirtæki: „Ég hef sjálfur mikinn ferðaþjónustuhuga og fór í leiðsöguskólann og kynntist þar innviðum ferðaþjónustans. Mér fannst svo margt lögfræðilega áhugavert sem þessi ört stækkandi atvinnugrein er að berjast við að ég stakk upp á því við Lex að við myndum búa til svona rit, ég ásamt sérfræðingum á hverju sviði, sem við síðan gerðum,“ segir Helgi Jóhannesson, hæstaréttarlögmaður og eigandi Lex.

Í leiðarvísinum er farið ítarlega yfir ýmis atriði eins og stofnun einkahlutafélaga, samningagerð, ábyrgð, skattamál, samskipti við yfirvöld, tryggingamál og fleira.

Helgi segir ritið nýtast bæði stærri ferðaþjónustuaðilum sem minni og síðan er í ritinu ekki síður að finna atriði sem aðilar í almennum rekstri ættu að huga að.



**MIKILVÆGT INNLEGG** Helgi hefur lokið leiðsöguprófi og er mikill ferðaáhugamaður. „Þetta eru atriði til umhugsunar en ekki einhverjar heildarlausnir sem finna má í þessu riti og menn gætu jafnvel þurft að leita sér aðstoðar með.“ Ritinu hefur verið dreift gjaldfrjálst til ferðaþjónustufyrirtækja og Helgi segir viðtökurnar góðar. „Ég er búinn að fá kveðjur með þakklæti fyrir þetta og þessu er mjög vel tekið.“ -fbj

# Sjóðir LSR og LH þurfa tíu milljarða frá ríkinu

Ríkið þyrfti að setja tíu milljarða króna árlega inn í B-deild Lífeyrissjóðs starfsmanna ríkisins og Lífeyrissjóð hjúkrunarfræðinga. Fjármálaeftirlitið segir sjóðina annars geta tæmst á næstu 10 til 15 árum.

**LÍFEYRISJÓDIR**  
Haraldur Guðmundsson | haraldur@frettabladid.is

Fjármálaeftirlitið (FME) telur ríkið þurfa að setja um tíu milljarða króna á ári inn í B-deild Lífeyrissjóðs starfsmanna ríkisins (LSR) og Lífeyrissjóð hjúkrunarfræðinga (LH) á næstu árum. Annars geti sjóðirnir ekki staðið við skuldbindingar sínar og geti tæmst á næstu tíu til fimmtán árum.

Þetta sögðu Unnur Gunnarsdóttir, forstjóri FME, og Björn Z. Ásgrímsson, sérfræðingur á greiningarsviði stofnunarinnar, á kynningarfundum um stöðu lífeyrissjóðanna í gær.

Þar kom fram að heildar tryggingafræðileg staða íslenskra lífeyrissjóða með ábyrgð ríkis og sveitarfélaga var við árslok 2013 neikvæð um 595 milljarða króna. Halli annarra lífeyrissjóða var á sama tíma samtals um 68 milljarðar eða nálægt jafnvægi.

„Þessar skuldbindingar eru til langs tíma og verða greiddar upp á næstu árum og áratugum. En einhvern tímann kemur að því það þarf að greiða þetta og því er nauðsynlegt að gera ráðstafanir með því að auka iðgjöld eða framlag til sjóðanna, eins og með þessum tíu milljarðum,“ segir Björn í samtali við Markaðinn.

„Sveitarfélögin hafa brugðist rétt við með því að borga viðbótarframlag inn í sjóðina sem bætir stöðu



**KYNNTU STÖÐUNA** Unnur Gunnarsdóttir, forstjóri FME, og Björn Z. Ásgrímsson kynntu í gær stöðu lífeyrissjóðanna árið 2013. FRETTABLADIÐ/GVA

þeirra smám saman á næstu árum og ríkið mætti taka sér það til fyrirmyndar.“

Mikið hefur verið fjallað um vanda B-deildar LSR og LH. Fyrir um tveimur vikum tilkynnti fjármála- og efnahagsráðuneytið að það hefði ásamt ellefu hjúkrunarheimilum, LSR og LH undirritað samninga sem felja í sér yfirtöku ríkisins á nær öllum lífeyrisskuldbindingum hjúkrunarheimilanna vegna starfsmanna þeirra í B-deild LSR og LH. Á fundi FME kom einnig fram að

fimm stærstu lífeyrissjóðir landsins eiga rúm 55 prósent af 2.800 milljarða króna lífeyrissparnaði landsmanna. LSR er þar stærstur með 17,2 prósent hlutdeild.

„Þetta sýnir mikilvægi þessara sjóða,“ segir Björn og bætir því við að lífeyrissjóðirnir hafi verið 37 talsins árið 2007 en séu nú 27.

„Við sjáum fram á að þeim muni fækka á næstu árum. Sem er jákvætt því sameining lækkar rekstrarkostnað og bætir ávöxtun lífeyrisþega,“ segir Björn.

## Matis heldur ráðstefnu um nýsköpun í matvælaíðnaði á grunni Arctic Bioeconomy-verkefnisins: Nýsköpun í lífhagkerfinu kynnt

Nýsköpun í matvælaíðnaði, þar sem vannýttar auðlindir koma við sögu, er meginþema Arctic Bioeconomy, verkefnis sem Matis leiðir. Verkefnið er hluti af formennskuverkefni Íslands í norrænu ráðherranefndinni.

Matis ásamt þátttakendum verkefnisins hefur nú ýtt rúmlega 30 hugmyndum úr vör og verða þær kynntar í dag á ráðstefnu á Selfossi um lífhagkerfið. Vörurnar eru þróaðar af smáframleiðendum og einstaklingum á Íslandi, Grænlandi og í Færeyjum.

„Við auglýstum eftir þátttakendum í þessum þremur löndum.

Aðilar voru oft með vörhugmyndir og búnir að vinna sig eitthvað áfram en vantaði herslumuninn til að koma vörum á markað,“ segir Sigrún Elsa Smáradóttir, fagstjóri hjá Matis.

Hún segir þátttakendur hafa fengið ýmiss konar hjálp frá Matis, annaðhvort við framleiðslu, sérfræði-aðstoð eða annað. Alls bærust 78 umsóknir, þar af stærsti hlutinn frá Íslandi en þó nokkuð frá Grænlandi og Færeyjum.

„Það er misjafnt hvort kynntar verða fullunnar vörur til smökkunar eða annað. Við bjóðum til dæmis upp á íslenska bleikju sem hefur fengið fóður unnið úr mjög próteinríkum svepp sem vex á viðarmassa sem fellur til í sögunarverksmiðjum,“ nefnir Sigrún sem dæmi um verkefni sem kynnt verður í dag en segir að ýmissa grasa muni kenna á ráðstefnunni. -fbj

**TAKTU GÆÐIN MEÐ ÞÉR Í NESTI.**

565 6000 / somi.is

**Nestispokinn frá SÓMI**

Frábært fyrir ferðaskrifstofur eða fyrirtækjahópa. Hægt er að hafa pokann í ýmsum útfærslum og stærðum. Gerum verðtilboð fyrir stærri hópa.

**SÓMI**

*ÞÆGILEGT!*  
Allt í einum poka



## Reitir hjálpa þínum vinnustað að þróast

Reitir eru stærsta fasteignafélag landsins á sviði útleigu atvinnuhúsnæðis. Við leigjum út yfir 130 eignir af öllum stærðum og gerðum um allt land. Fjölbreytt eignasafn Reita gefur þínum vinnustað tækifæri til að þróast, hvort sem þú vilt stækka við þig eða grípa ný tækifæri í rekstri með endurhönnun húsnæðis. Þannig geta þú og þínir átt góðan vinnustað.

Kringlan 4-12

103 Reykjavík

[www.reitir.is](http://www.reitir.is)

575 9000

**REITIR**

*Velkomin til starfa*



# KARLSVAKA



**Stórtónleikar  
í Eldborg Hörpu  
12. september 2014  
kl. 21.00**

Fjöldmörg af stærstu nöfnum íslenskrar  
tónlistar sameinast í minningu um  
orgelmeistarann Karl J. Sighvatsson

**BJÖRGVIN HALLDÓRSSON  
FLOWERS  
MANNAKORN  
HJALTALÍN  
APPARAT ORGAN KVARTETT  
MAGNÚS KJARTANSSON  
MEGAS  
MUGISON  
ÓLAFUR ARNALDS  
GUNNAR ÞÓRÐARSON  
KK  
DAVÍÐ ÞÓR JÓNSSON**

Efnisskrá inniber meðal annars:

Hallgrímur kvað? - eftir Karl J. Sighvatsson  
o.fl. í nýrri útsetningu Viktors Orra Árnasonar  
fyrir kammersveit og rafmagnaða hrynsveit

Pílagrímakórinn eftir Wagner, Blómið eftir  
Karl J. Sighvatsson, Atómstöðin eftir  
Karl J. Sighvatsson

**Miðasala á [midi.is](http://midi.is) og [harpa.is](http://harpa.is)**

Allur ágóði af tónleikunum rennur til  
Minningarsjóðs Karls J. Sighvatssonar  
sem styrkir ungt tónlistarfólk til náms.

Styrktaraðilar  
Karlsvöku:



**KRÓNAN**



## Eimskip tekur við sjöunda Lagarfoss-skipinu í Kína



**LAGARFOSS** Eimskip tók í gær við nýju skipi, Lagarfossi, í Kína. Samningur var gerður um smíði tveggja skipa í júní 2011. Í ljósi þess að verkinu seinkaði var samið um tæplega 11 milljóna dala afslátt frá upphaflegu samningsverði skipanna. Viðræður eru í gangi um afhendingartíma seinna skipsins sem mun skýrast á þriðja ársfjórðungi. Við skipinu tók skipstjóri þess, Guðmundur Haraldsson, ásamt 11 manna íslenskrí áhöfn. „Mjög ánægjulegt er að sjá til lands í þessu stóra verkefni. Smíði á sérhæfðu gámaskipi mun styrkja þjónustu við viðskiptavini félagsins á Norður-Atlantshafi,“ segir Gylfi Sigfússon, forstjóri Eimskips.

Verða stigin stór skref í afnámi gjalddeyrishafta á árinu?

## Stöðvum landflóttu vits og strits

Fjölmíðlar hafa sagt fjölmargar fréttir af íslenskum fyrirtækjum sem hafa hrakist úr landi vegna gjalddeyrishaftanna. Stjórnendur fyrirtækjanna hafa þá lýst því hversu erfitt það er að lokka erlenda fjárfesta hingað til lands. Þeir vilji ekki festast með peningana sína á eyju sem er umlukin girðingu gjalddeyrishafta. Í sumum tilvikum eru höfuðstöðvarnar fluttar úr landi. Í öðrum er öll starfsemin flutt eða seld erlendum aðilum.

Fréttir sem þessar voru sagðar á síðum Fréttablaðsins og Markaðarins í vetur. Í janúar var sagt frá því hvernig mörg fyrirtæki sem koma að þróun jarðvarmaverkefna um allan heim hefðu hrakist úr landi. Innlend þekking fékk þá erlent heimilisfang og buddur annarra ríkja græddu á íslensku striti.

Þegar sögur sem þessar rata á síður blaðanna gera margir ráð fyrir að málum verði kippt í liðinn. Það hefur enn ekki gerst. Viðskiptablaðið greindi frá því í byrjun síðustu viku að íslenska nýsköpunarfyrirtækið Mint Solutions þyrfti að flytja höfuðstöðvar sínar úr landi. María Rúnarsdóttir, einn stofnenda fyrirtækisins, sagði gjalddeyrishöftin ástæðu flutninganna.

Kauphöllin, Nasdaq OMX Iceland, hélt um daginn lokaðan fund fyrir fagfjórðing og stjórnendur ellefu nýsköpunarfyrirtækja. Þangað mættu meðal annars forsvarsmenn GreenCloud, Kerecis, Nox Medical og Orf líftækni til að kynna sögu, framleiðslu og framtíðarmarkmið fyrirtækjanna. Markmið fundarins var að vekja fjárfestana og aðra til vitundar um hversu nauðsynlegt það er fyrir nýsköpunarfyrirtæki að hafa aðgang að innlendu fjármagni. Skráning á First North-markað Kauphallarinnar var þar nefnd sem einn valmöguleiki. En auðvitað þurfa valmöguleikarnir að vera fleiri ef koma á í veg fyrir að þessar þolinmóðu vonarstjörnur flýi til útlanda.

Bjarni Benediktsson, fjármála- og efnahagsráðherra, ræddi afnám haftanna í kvöldfréttum Stöðvar 2 í síðustu viku. Tilefnið var ný Skoðun Viðskiptaráðs Íslands. Í henni er bent á að uppgjör protabúa föllnu bankanna vegur þyngst í þeirri staðreynd að afnám gjalddeyrishafta hefur dregist verulega umfram það sem upphaflegar væntingar stóðu til. Í viðtalinu sagði ráðherra stjórnvöld hafa nýtt tímamann vel til að kortleggja vandann við afnám haftanna. „Ég er með væntingar um að það verði stórir áfangar stignir á þessu ári,“ sagði Bjarni.

Vonandi verða þessir stóru áfangar sem ráðherra talaði um nógu stórir til að koma í veg fyrir fleiri forsíðufréttir um landflóttu íslensks vits og strits.



**Markaðshornið**  
Haraldur Guðmundsson  
haraldur@frettabladid.is

**Innlend þekking fékk þá erlent heimilisfang og buddur annarra ríkja græddu á íslensku striti.**

# Seðlabankastjóri CCP flytur til Akureyrar

*Eyjólfur Guðmundsson, aðalhafgræðingur CCP og nýr rektor Háskólans á Akureyri, hefur stýrt hagkerfi Eve-Online síðastliðin sjö ár. Hann er spenntur fyrir því að hefja störf fyrir norðan.*

### SVIPMYND

Haraldur Guðmundsson | haraldur@frettabladid.is

„Ég tek við starfinu 1. júlí og er því á fullu við að undirbúa vistaskiptin og flytja mig og fjölskylduna í nýjan landshluta,“ segir dr. Eyjólfur Guðmundsson, aðalhafgræðingur CCP og nýrrektor Háskólans á Akureyri (HA).

Eyjólfur hefur starfað hjá CCP síðastliðin sjö ár. Sem aðalhafgræðingur fyrirtækisins hefur hann rýnt í og gefið ráð um hvernig best sé að stýra hagkerfi Eve-Online.

„Við fylgjumst með verðbólgu, framleiðslu, peningamagni í umferð, þátttakendafjölda og öðrum þáttum. Við höfum því heildarmynd af því hvernig hagkerfi leiksins er að þróast,“ segir Eyjólfur og svarar því játandi að hann sé seðlabankastjóri CCP.

Eyjólfur starfar einnig sem sviðsstjóri greiningardeildar CCP. Sérfræðingar deildarinnar gera nákvæmar greiningar á hegðun í leiknum, áskrifendatölum og því sem Eyjólfur kallar stafræna neyslu.

„Þetta er gert til að meta virði Eve-Online á hverjum tíma. Þessir tveir greiningar og aðalhafgræðingur, gera það að verkum að þarna er búið að blanda saman Þjóðhagsstofnun, Seðlabankanum og greiningardeildum bankanna í eina deild innan fyrirtækisins.“

Eyjólfur er stúdent frá Verslunarskóla Íslands og lauk BS-gráðu í hagfræði frá Háskóla Íslands árið 1992. Hann lauk doktorsprófi í sömu fræðigrein frá Rhode Island University í Bandaríkjunum árið 2001. Á þeim tíma starfaði hann við HA þar sem Eyjólfur starfaði í sjö ár áður en hann var ráðinn til CCP.

„Nýja starfið við Háskólann á Akureyri er meira leiðtogastarf en það sem ég hef verið að gera síðustu árin. Það er nákvæmlega það sem ég er að sækjast eftir. Þetta er spennandi verkefni og fram undan eru mörg tækifæri í þessu háskólasamfélagi sem við búum við á Íslandi,“ segir Eyjólfur.

Hann fæddist í Reykjavík en er upp-



**NÝR REKTOR HA** Eyjólfur starfaði áður hjá Háskólanum á Akureyri og þá meðal annars sem deildarstjóri viðskipta- og raunvísindaeildar.

FRÉTTABLAÐIÐ/GVA

### VÍÐSÝNN VINNUPJARKUR



„Við Eyjó erum búin að vera vinir í 30 ár, eða síðan í Versló. Við eigum góðar minningar frá þessum árum, til dæmis skemmtilegt sumar í Noregi þar sem Eyjó var duglegur

að læra norskuna, ólíkt okkur hinum ferðafélögnum. Á seinni árum hefur samvera með fjölskyldunni og göngur verið ómissandi hluti af okkar vináttu. Hann hefur líka svo skemmtilega sýn á lífið og tilveruna og kemur iðulega með nýtt sjónarhorn inn í dægurmálþras og eru ófá gullkornin sem hafa fallið hjá honum á slíkum stundum.“

Ásdís Gíslason, markaðsstjóri Orku náttúrunnar



„Eyjólfur er skemmtilega víðsýnn, hagsýnn og framsýnn. Hann er einnig alltaf kennari sem er tilbúinn að gefa af sér, bjóða ráð og koma með tillögur að úrbótum

ef maður leitar eftir þeim. Hann er auk þess mjög duglegur að leita sér ráða ef honum finnst hann þurfa á því að halda. Að hafa haft hann sem næsta yfirmann í nokkur ár var mikil og góð lífsreynsla, bæði lærði ég mikið af honum og sá fagmann að störfum – nokkuð sem er erfitt að meta til fjár. Takk Eyjólfur!“

Pétur Jóhannes Óskarsson heimspekingur

alinn í Hafnarfirði. Spurður hvort hann eigi ættir að rekja norður til Akureyrar segir Eyjólfur að svo sé ekki.

„Ég er einn af þessum fáu Íslendingum sem hvái þegar ég er spurður hvaðan ég sé. Ég er héðan og þaðan og alls staðar. Ég bý þar sem hatturinn minn er hverju sinni þótt vissulega hafi ég fengið tilfinningu um að ég væri að

flytja heim þegar ég tók ákvörðun um að flytja aftur norður.“

Eyjólfur segir áhugamálin flest tengjast útivist í íslenskri náttúru.

„Ég nýt íslenskrar náttúru. Annars vegar með því að ganga á fjöll og fara á skíði. Hins vegar nýt ég útsýnisins úr flugstjórnarklefum lítilla svif- og vélflugvéla sem ég hef gaman af að fljúga.“



Við frumsýnum nýjan Ford Transit Van  
*Stór. Skilvirkur.  
Án málamiðlana.*

➤ **Gríðarsterk sendibílalína Ford styrkist enn meira**

Ford hefur hlotið titilinn Sendibíll ársins – International Van of the Year árið 2013 og 2014. Ford Transit sendibíllarnir eru jafnframt mest seldu sendibíllar Evrópu síðustu 40 ár. Staða Transit styrkist nú enn frekar með nýjum Ford Transit Van. Nýr bíll frá grunni sem kemur í þremum lengdum, með tveim mögulegum lofthæðum og allt að 15,1 m<sup>3</sup> flutningsrými.

Nýr Ford Transit Van er harðgerður og vinnusamur.

Komdu og prófaðu.

**NÝR FORD TRANSIT**

FRÁ **4.446.215** KR.  
ÁN VSK

FRÁ **5.580.000** KR.  
MEÐ VSK



[ford.is](http://ford.is)



Brimborg Reykjavík  
Bíldshöfða 6  
Sími 515 7000

Brimborg Akureyri  
Tryggvabraut 5  
Sími 515 7050

Nýir og notaðir bílar: Söludeildir eru opnar alla virka daga kl. 9-17.

## ÚR I.BBB Í I.A3

### Hækka lánshæfi OR

Matsfyrirtækið Reitun hefur hækkað lánshæfiseinkunn Orkuveitu Reykjavíkur úr i.BBB í i.A3. Horfur eru áfram taldar stöðugar. Sterkur rekstur, árangur af Planinu umfram áætlanir, lækkandi skuldir, batnandi lausafjárstaða, minnkandi markaðsáætlaða og traustir bakhjarlar fyrirtækisins eru helstu ástæður betri einkunnar, að því er kemur fram í tilkynningu Reitunar.

## 10,3 KÍLÓ

### Aukin neysla eldisfisks

Matvæla- og landbúnaðarstofnun Sameinuðu þjóðanna, FAO, spáir því að neysla eldisfisks verði 10,3 kíló að meðaltali á hvern íbúa jarðar á þessu ári. Neyslan mun því vaxa um 4,4 prósent frá því í fyrra. Á sama tíma er því spáð að neysla á villtum fiski dragist saman um 1,5 prósent og verði 9,7 kíló að meðaltali á mann.

## 6% AF EIGNUM

### Sjóðir eiga 1/3 hlutabréfa

Íslensku lífeyrissjóðirnir eiga þriðjung allra skráðra hlutabréfa í Kauphöll Íslands. Fjárfestingar þeirra í hlutabréfum hafa aukist á undanföllum árum en bréfin eru þó einungis um sex prósent af eignasafni sjóðanna. Lífeyrissjóðirnir eiga meðal annars um helming hlutfjár Regins, Haga og Fjarskipta hf. (Vodafone).



23.6.2014 Um helgina var metfjöldi nemenda útskrifaður frá Háskóla Íslands sem einn og sér skilar meiri gjaldeyris-tekjum í þjóðarþúið en samanlagður landbúnaðurinn. Þetta er gott dæmi um vel heppnaða aðgerð vinstri stjórnarinnar gegn atvinnuleysi og fyrir eflingu náms. Það skiptir nefnilega máli hverjir stjórna.

Björn Valur Gíslason, varaformaður Vinstri grænna

**Hin hliðin**

SIGRÍÐUR HRUND  
GUÐMUNDSDÓTTIR  
REKSTRARHAGFRÆÐINGUR

## Hver tók ostinn minn?

Nú höfum við búið við gjaldeyrishöft í bráðum sex ár og þau virðast ekki vera neitt að hverfa í bráð. Er það til að æra óstöðugan. Innlendir fjárfestingarkostir hafa verið ansi fáir og misspennandi fyrir hinn almenna fjárfesti. Síðan fötтуðu einhverjir að það væri hægt að komast fram hjá lögunum og fjárfesta erlendis með því að gera samning um viðbótarlífeyrissparnað við erlend tryggingafélög. Þau fyrirtæki eða umboðsmenn þeirra voru heldur ekki að letja fólk til þess. Fyrst horfði Seðlabankinn fram hjá þessu, eflaust af því þetta voru svo fáir einstaklingar og litlar fjárhæðir í heildarmenginu. Svo bættust fleiri í lestina og þetta voru orðin 30 þúsund manns eða 1/6 hluti vinnubærra manna. Seðlabankinn gat ekki setið hjá lengur því fjárhæðirnar voru farnar að skipta verulega máli og stoppaði í gatið í fyrri viku. En af hverju greip Seðlabankinn ekki í taumana fyrir?


### Mismuna sparnaðarformum

Mér fannst þetta alltaf furðulegt því önnur sparnaðarform urðu að lúta gjaldeyrislögunum frá nóvember 2008. Ekki gat fólk fjárfest reglulega í erlendum verðbréfasjóðum þótt upphæðirnar væri lágar og heldur ekki í séreignarsparnaði hjá bönkum og lífeyrissjóðum sem buðu upp á þá sparnaðarleið sem fjárfesti sem mest erlendis. Í allan þennan tíma var í raun verið að mismuna fjárfestum í reglulegum sparnaði. Með því að stoppa útfærslu fjármagns með sölu á sparnaðarafurðum sem brjóta gegn lögum um gjaldeyris-mál, er þá Seðlabankinn ekki bara að setja alla undir sama hatt?

### Trygging eða sparnaður?


Ekki eru allir á sama máli, alltént ekki þeir sem eiga hagsmuna að gæta og missa nú spón úr aski sínum. Seðlabankinn hafi jú lagt blessun sína yfir þessi viðskipti fyrir nokkrum árum. En nú er allt breytt. Seðlabankinn breytti reglum í liðinni viku til að milda áhrifin á einstaklingana sem hlut eiga að máli. Eftir sem áður geta þeir sem skrifuðu undir samninga fyrir innleiðingu fjármagnshafta haldið sínum sparnaði áfram. Hinir sem byrjuðu eftir að gjaldeyrislögin voru sett í nóvember 2008 munu áfram geta greitt iðgjöld af sínum tryggingum skv. Seðlabankanum, en ekki ef það leiðir af sér uppsafnaðan sparnað.

En rosalega var Seðlabankinn lengi að komast að þessari niðurstöðu. Ef það verður til þess að við losnum við gjaldeyrishöftin fyrir en ella, þá er ég samt ánægð!



Beltone First™

# Snjallara heyrnartæki



Nýja Beltone First™ heyrnartækið tengist þráðlaust beint í iPhone, iPad og iPod touch. Komdu og prófaðu, það er engu líkt!



Kringlunni • Sími 568 7777 • [heyrnarstodin.is](http://heyrnarstodin.is)

HEYRNARSTÖÐIN

